

President Henry B. Eyring ne kasa

Dzamfo a Odzi Kan wɔ President
a Odzi Kan na n'Apamfo mu



Iritsim Yie Ekodu Ewiei ho Akatua

Mber a nna meye aberantse no, mosoom de ɔpamfo wɔ Asor no mu maa mansin president nyansafø bi. ɔbøø mbødzen de daa daa ɔbækeryerkyere. Mekaa afotu bi a mpen bi ɔdze maa me: "Se ihyia obi a, hwe hon de wɔwɔ shaw dzendzen bi mu, na mber ne kesenara no, ɔbeye nokwar." Ber no modwen ho de ɔmmpe dza oye. Afei, mfe 50 na no mboree ekyir no, mutum hu mbre ma osi tsee wiadze na abrabø ase yie no.

Nsɔhwø da hen nyina enyim—ɔtɔfabi a, nsɔhwø dzen-dzen papa. Yenyim de Ewuradze ma hen kwan ma yedua nsɔhwø mu ama woeesiesie hen na yedzi mu ama yeetum yenyen No atsena afebøø.

Ewuradze kyerkyerø Nkɔnhyenyi Joseph Smith wɔ Liberty Efriadze de ɔrosɔw no nsɔhwø yie no bøboa no ma ɔafata onnyiewiei nkwa:

"Me ba, asomdwee nkā wo kra; w'akotorka na w'amandzehu na ɔnnkekøyer;

"Na afei, se esɔw no yie a, Nyankopøn bëma wo do wo sor; na ibedzi konyim wɔ w'atamfo nyina do" (N&A 121:7–8).

Ndzemba pii hye hen do wɔ abrabø mu de ɔye dzen de yebotum etsim yie ekodu ewiei. Obotum aye dem dze ama ebusua bi a wɔðan hon nduadzewa ber a nsu anntø. Wɔðodwen ho de, "Mber tsentsen ben na yebotum asɔw?" Obotum aye dem dze ama ɔbabun a origyina etsia efifidze na nsɔhwø a wɔatahye a ohyia no. Obotum aye dem dze ama aberantse bi a ɔreper de obenya nwomasua anaa ntsetsee bi

a ohia dze enya edwuma a ɔdze bɔhwø ne yer na ebusua no. Obotum aye dem dze ama obi a onnyi edwuma anaa n'edwuma biara fi ne nsa ber ndwuma ndwuma so rugu no. Obotum aye dem dze ama hon a hon apɔwmudzen na ahoozzen no do retsew, anaa hon a wɔðo hon no, a obotum aba ntsem wɔ abrabø mu anaa abrabø ekyir no.

Naaso Nyame dɔfo mmfa nsɔhwø a ɔtsetse dem nnsisi hen enyim ara de Orohwe de se yebotum asɔw ahokyer a, mbom Orohwe se yebotum asɔw no yie na yedze esiesie hen ho a.

President a Odzi kan na N'apamfo kyerkyerø Elder Parley P. Pratt (1807–57) ber a nna ɔafre no de Asomafo Duebien Quorumba fofor de, "Edze woho abehye edwuma a ohia wo mber nyina mu; . . . ye afowa a ɔaye ndam. . . . Otwar de esɔw shaw, edwumadzen, na nkodzen pii ma wo ndamye no edzi mu. . . . Wo Sor Egya hia no dem; haban no ye Ne dze; edwuma no ye Ne dze; na Obema . . . edzi dew . . . na Oama wo do."¹

Hebrewfo nwoma mu no, Paul kā iritsim yie ekodu ewiei n'aba ho asem de: "Na sesei dze ntsæa nyina nnye enyigye, na mbom awerehowdze a; na n'ekyir no ɔsow asomdwee aba dze ma hon a wɔðze asɔ hon ahwe no, mekyere tsenenee aba" (Hebrewfo 12:11).

Hen nsɔhwø na nkodzen ma hen akwanya ma yesña na yenyin, na obotum mpo asesa hen awosu ankasa. Se yetum dan ko Agyenkwa no wɔ hen nkõdzen ber mu a, hen akra ho botum atsew yie ber a yesɔw no.

Dəm ntsi, dza odzi kan nye yekaa də yebəbə mpaa daa (hwe N&A 10:5; Alma 34:19–29).

Dza otsia ebien nye də yekodo per də yebesie mbrasem no—dza əko tsia biara no, nsəhwə biara no, anaa begyabegya a etwa hənho ehyia biara tse no(hwe Mosiah 4:30).

Dza otsia ebiasa a ohia tsitsir a yebeyə nye yebəsəm Ewuradze (hwe N&A 4:2; 20:31).

Owura no som mu no, yeba bohu No na yedo No. Se yewəwdo wə mpaabə na nokwar som mu a, yebəhyease ehu Agyenkwa no Ne nsa na Sunsum Krənkron no wə hən abrabə mu. Hen mu pii ama əsom a ətse dəm mber bi na yeastse dəm anyenkoye no. Se edwen dəm mber no ho kə ekyir a, ibekaa də nna nsesa bi aba wo mu. Nsəhwə de ibeyə bən no do huan. Wo pə de ibeyə papa no nyin. Hən a nna wonyim wo yie na wədə wo no bekə də : “Enya aya-muyie na abotar mbordo. Aye nyimpa fofor.”

Nntse də mber itse no. Jesus Christ no Werdambə no do na əsesaa wo osiande idaan No wə wo nsəhwə ber mu.

Mobo wo ahohoba də Ewuradze beye wo mboa wo wə nsəhwə ber mu sə ihwehwə na isom No a, na wo kra ho betsew ber no mu. Moto wo taferbanyinmbəmu de fa wo were hye No mu wə w'abəbressə nyina mu.

Minyim də Nyankopən Egya no tse ase na Otsie na Obua mpaabə biara. Minyim də Ne Ba, Jesus Christ, tuaa hən bən nyina ho kaw na Əpe də yeba No hə. Minyim də Egya na Əba no weən hən na woesiesie kwan bi ama hən ma yetsim yie ekodu ewiei na yeaba fie bio.

ASENSIN

1. *Autobiography of Parley P. Pratt*, nsamufo Parley P. Pratt Kakraba (1979), 120.

EREKYEREKYERE EFI AMANDZEEBƏ YI MU

Hən nyina yewə əshaw horow a əsə hən gyedzi na hən ahom də yebəsəw no hwə. Hwə hən a ikyerəkyere hən no hən ehiadze na əshaw horow no. Ansaana ebəsera no, ibotum abə mpaa agye akwankyere də ehu mber ibesi aboa hən yie ma woetsim yie ekodu ewiei. Ibotum esusu apənsapənsa fapem na kyerəwsəm ebien no a President Eyring kā ho asem no mu, a mpaabə, əsom,

na irisie mbrasem no kā ho. Ibotum so akā wəankasa wo sūahu wə mber woesi ehyira wo wə akwanhorow mu a wəaboa wo ma etsim yie.

MBABUN

Ber a Me Nyənko Wui

Samantha Linton ne Kasaa

Mehyee nsəwdo skuul ase no, me nyənko ne tsir honee na adzekyee no owui. Nna əwə mu də meyə Asərba dze, naaso mokər do dzii aper. Nna wəakyerəkyere me m'abrabə nyina mu də mubotum adan Əsor Egya na Agyenkwa no dze enya biribiara, naaso nna munndua dza ətse dəm mu pən.

Musū ndənhwer pii, a nna morobə mbədzen ahwehwə adze bi—biribi ara—ma əama me asomdwee. Anafua no a owui ekyir no, mefaa asərdwom buukuu no. Ber a murubuecue nkrataafa no, migyinaa “Abide with Me; ‘Tis Eventide” do (*Asər Ndəwom*, nkanee 165). Nyiyimu a otsia ebiasa no təc mo do:

*Enye me ntsena; adzesaa aba,
Mebeyə ankonam anafua no
Se menntum nye wo enndzi nkəmbə a,
Anaa mennhu kan wə wo mu a.
Musuro wiadze no sum no,
Nkyə abətsena me fie.
O Agyenkwa, nye me ntsena anafua yi;
Hwə, adzesaa aba.*

Niyiyimu yi maa me asomdwee dodow. Afei muhun də nnye də Agyenkwa no botum nye me atsena dəm anafua no nko, mbom nna Onyim dza meretse no ne nkā pəreəpə so. Minyim də ədə a metsee no wə asər ndəwom no mu no ammboa me anafua no pər, mbom ədze me edua nsəhwə pii bi mu a meetum asəw. Əkyerəwfə no tse Utah, USA.

Ibotum adownload “Abide with Me, ‘Tis Eventide wə lds.org/go/7176.



Ama Dayε Kor

Mpaabɔ mu ara sūa adzesūadze yi na hwehwe de ibohu dza ibekye. Yeretse Relief Society no botae ase no besi den esiesie Nyankopɔn mbabaa no ama onnyiewieie nkwa ho nhyira?

Gyedzi, Ebusua, Mboa

Elder D. Todd Christofferson a ɔkā Asomafo Duebien no hon Quorum ho no kyerekyerε de “Jesus nye Egya no nyaa korye a odzi mu ber a Ogyaa Noho mu, wɔ honandua na sunsum mu, dze maa Egya no Ne pe.”

“... Nokwar yennkotum nye Nyankopon na Christ aye kor kεpem de yedze Hɔn pe na dza ɔye Hɔn ahomkā ye hen pe tsitsir. Nnye da kor per na yebotum dze egya hen mu, naaso ɔnam Sunsum Krɔnkron no do no, se yεpε a Ewuradze bεkyerekyerε hen, kεpem de mber rugu mu no, wɔbekā no pεpεpε de ɔtse hen mu de mbre Egya no tse No mu.”¹

Linda K. Burton, Wiadze Mfendzanana Relief Society President, kyerekyerε mbre yebesi aye edwuma enya korye yi: “Yereyε na yerisie hen ahyemudzi kyere hen pisi de yebeyε tse de Agyenkwa no. Dza oye nye yebεper enya suban a wɔakyerε no yie wɔ asɔr ndwom a mεpε

ne nsensin kakra mu de: “Mobokɔ bea a ipe de mokɔ. . . . Mebekā dza ipe de mekā. . . . Mebeyε dza ipe de meye.”²

Elder Christofferson so kaa hen de, “Ber a yεbɔ mbɔdzen dabiera, dapen dapen, de yebedzi Christ anamɔn do no, hen esunsum gyina tumdzi mu, hen mu ɔkō no bere adze, na nsɔhwε gyaa de wɔhaw.”³

Neill F. Marriot, ɔpamfo a Otsia Ebien wɔ Wiadze Mfendzanana Young Women Presidency mu no, gye yεreper dze henho abata Nyankopon ne pe ho nhyira ho dase: “Maper dze apow honam apεdze de mebeyε adze wɔ mo kwan do, a ewiei no meeuhu de mo kwan to sin, ɔpem adze, na ɔnnto Jesus Christ no kwan no. [Hen Osor Egya No] kwan nye kwan a ogya kɔ enyigye wɔ abrabɔ yi mu na onnyiewieie nkwa wɔ wiadze a ɔbεba no mu.”⁴ Hom mma yemper ahobreadze mu ara de yenyε hen Osor Egya na Ne Ba Jesus Christ beye kor.

Kyerewsem na Nsem a ɔkā ho

John 17:20–21; Ephesusfo 4:13; Nkyerekyerε na Ahyemudzi 38:27; reliefsociety.lds.org

NSEM SIN

1. D. Todd Christofferson, “*That They May Be One in Us*,” *Liahona*, Oberfew 2002, 72, 73.
2. Linda K. Burton, “*The Power, Joy, and Love of Covenant Keeping*,” *Liahona*, Oberfew 2013, 111.
3. D. Todd Christofferson, “*That They May Be One in Us*,” *Liahona*, Oberfew 2002, 71.
4. Neill F. Marriot, “*Yielding Our Hearts to God*,” *Liahona*, Oberfew 2015, 32.

Susu Iyi Ho

Yereyε Nyankopon ne pe si dεn boa hen ma yεbεyε tse de ɔno?